

NUAEDAEDADAMA

MARIKA

'INA

TETERA BOBO'ANA

MANUNA



MOORE
MOORE
MOORE
MOORE

MOORE THEOLOGICAL COLLEGE LIBRARY



3 2042 10014934 7

NUAEDAEDADAMA

MARIKA

'INA

TETERA BOBO'ANA

MANUNA

Methodist Mission
Salamo, Papua.
1934.

ACKNOWLEDGMENT.

Acknowledgment is gratefully made to the Society for Promoting Christian Knowledge for the use to which their publication, "Meditations on St. Mark's Gospel" has been put in the following pages.

Their headings have been used in all but a few of the "Meditations," and the prayers also are based upon those in their publication.

John W. Dixon,
Salamo, Papua.

August, 1934.

NUAEDAEDADAMA MARIKA 'INA
TETERA BOBO'ANA MANUNA.

[1]

1;1-13. IONI BAPITAISO TOPILIAREARE.

1. Eaubada 'i esinuena 'ina guinua manuna.
2. Tuta iauna Eaubada ma'iiana si miami.
3. Tauna toguguia.
4. 'I nuamwa'uta.
5. Keriso 'ina esaesa 'i 'itena bapitaiso 'ana tutuaia.

Inapwana Iesu Keriso manugu 'u mai.
Manuio ia da etapewa tuta maibo'ana 'enaia.
'Igu guinua u da e'itegu.
Be 'imu nuanua wate u da e'itegu.

[2]

1;14-28. ANIDIRU (Tomwana 16-18).

1. Tauna togomana 'ai'aila.
2. Tauna tai bobo'ana, 'enega misinari bobo'ana.
3. 'I ematamatana manini, ta nigea 'i da loelaelawa.
4. 'Ina gomana 'i pilisinena.
5. Iesu 'i muriena.

'Inapwana Iesu Keriso, Anidiru 'ina 'Inapwana.
'Enaio ia da nonona.
'Abo 'u bwauegu, ia da tooro manini be
Ma 'igu gwausoara ia da ematamatana.

[3]

1;29-39. PITA LAWANA (Tomwana 29-31).

1. Ma 'ina piba 'i 'eno'eno.
2. Iesu 'i gitoona 'enega 'i bobo'ana.
3. Gosenao si 'au'ewenama Iesu.
4. Pita lawana 'i tooro ga 'i guinua.

'Inapwana Iesu Keriso, 'u da gitoogu.
Nadigega 'u gitoona waine nina.
Be ia da bobo'ana maibo'ana
Be gosegwao 'edia ia da etapewa.

[4]

1;40 - 2;12. TOKWENO 'INA LE'OASA (2;1-12).

1. Nigea sawesawenaia be 'aenega 'i tatauia.
2. 'Ina le'oasa nigea sinabwana, ta nigea uianamo.
3. Tauna magosenao iaudi.
4. Iesu ona waiwaiina 'i 'ebwaena.
5. Tokweno nina ematamatana 'enega 'i e'isa.

'Inapwana Iesu Keriso, Togile'oasa
'Igu le'oasa iauna 'u da 'ewa iaulei,
Be iaruiaruagu 'i da bwebwe'ana
Be ia da ematamatana 'emuia.

[5]

2;13-20. MADIU. (Tomwana 14,15).

1. Tuta iauna Iesu 'ina ona 'i nonodi.
2. Iesu 'ina bwau 'ena 'i ematamatana manini.
3. Iage iauna 'i guitoiasedi Iesu manuna.
4. Muriega Tetera Bobo'ana 'i 'etoladina.

'Inapwana Iesu Keriso, ia da nua'ebuni
 Be gea'abo gwegwe tomotai nuagu 'i 'ewa'ewa.
 'Imu ona maibo'ana ia da nono 'ai'ailidi
 Be ma 'igu emisa ia da murieio.

[6]

2;21 - 3;6. TAI MA NIMA DIMEMENA (3;1-6).

1. Tai nina nimana nigea 'ana bobo'anamo.
2. Nuanuana be 'i miami Iesu serabenaia.
3. Nuanuana be 'i bobo'ana maibo'ana.
4. Nimana 'i iasitotona ga 'i bobo'ana.

'Inapwana Iesu Keriso, Togile'oasa,
 'U da giebobob'anege be ia da ewaiwai.
 Ta 'igu waiwai nina gea'abo 'i gumwagumwara,
 Ta tuta iauna 'i da sinabwa.

[7]

3;7-19. PITA. (Tomwana 16).

1. Aposetolo 'idi ena'i.
2. 'I obobomena sinabwana Iesu.
3. 'Ina nuanua tuta iauna 'aene 'i da miami Iesu serabenaia.
4. Nigea 'i da gagasa.
5. Tauna muriega ekalesia 'ana 'autui.
6. Iesu 'i gibunina Saimoni 'aene Pita, "gurewa."

'Inapwana Iesu Keriso, Pita 'ina 'Inapwana,
 'Abo'agu wate ia da obobomeio.
 Ia da tagwara 'ai'ailigu 'emuia
 Batua ta tuta iauiuna.

[8]

3;20-35. KERISO TASINAO (Tomwana 31-35).

1. Serabenaia si miami, ta nigea si da sinapuna.
2. Ta muriega si mai sabi 'ebesa tauna.
3. Iesu 'ina bu'unao 'ai'aila taudi Eaubada 'ina nuanua 'ana toguinua.

'Inapwana Iesu Keriso, Tamaio Eaubada,
 Ta tauna 'abo'agu Tamagu.
 'Enega 'ina nuanua ia da 'ebesena
 Be ia too be ia guinue.

4;1-9. TOLELEWANA-ATU.

1. Iesu 'i 'itena tai nina ga 'ena 'i pelaila.
2. Tobagura nina nuanuana be 'i etapewa tanoa mai-bo'ana 'enaia.
3. Tai nina atu bobo'adi 'i emisedi; ga ma 'ina emisa 'i asodi.
4. Bwa'a 'i gibubuna.

'Inapwana Iesu Keriso,
Tanoa maibo'ana 'imu tanoa,
Ta atu wate 'imu atu.
'U da lemegu 'imu tobagura 'ebweuna 'abo'agu.

4;10-20. SITETUELU ONASEMALIMALI SI
ENAIDENA (Tomwana 10).

1. Taudi Iesu 'ena si miami tuta dudurana, ta nuadi nigea 'i sabwasabwalena.
2. Nuadi 'i owana manuna Iesu 'ina guinua so'i.
3. Sitetuelu nidi sawesawedia be si sinapu manuna maiaruiaruadi.
4. Sitetuelu Eaubada 'ina 'ebeloina 'ina iage kwaia si mwaratonina.

'Inapwana Iesu Keriso, To'arama 'i'ita,
la da nonoio tuta iauna,
Be iage kwaikwaiidi ia da 'itedi
Be 'imu e'ita maibo'ana ia da sinapuna.

4;21-34. TAI MA'INA EMISA 'I ASOA
(Tomwana 26-29).

1. Tai 'ina waiwai 'i tagwarena.
2. Nuana nigea 'i mwaumwau.
3. 'Atua bwa'a wate tai ma'iiana si etapewa.
4. Tai 'i 'eno ga 'ina waiwai 'ana loeposeiana 'i lobe-
na 'ina guinua manuna.

'Inapwana Iesu Keriso, ia da too
Be ia da ewaiwai gosegwao gamwagamwanidia,
Be ia da emiseio. Ia da asoa 'ai'aila
Be ia da emiseio sesoi manuna.

4;35-41. AINA APOSETOLO WAGAIA.

1. Iesu ma'edi si geru.
2. Ta iagila be lisu si unudi.
3. Iesu 'i 'enomwataia.
4. Gote 'ida bwau 'ana tuta.
5. Ma'ina waiwai 'i ona "Siwaroa" ta bwagabwaga
'i siwaroa.

'Inapwana Iesu Keriso, 'u da 'oiabugu
Siwaroa 'ana tutaia ta lisu 'adi tutaia.
'Oio kapekapeana be nuasiwaroa 'u sa'unama
'Eguia 'igu miamia to 'umalina 'ana tutaia.

5;1-20. TAI MADIMONINA IAU WAWASAE.

1. Tai 'ina waiwai sinabwa wawasae. Nai 'i gagasa wawasae 'ina waiwai manuna?
2. Dimoni si rugu manuna anilose si apwesa.
3. Tai 'i elouia 'ina miato'umalina manuna.
4. 'Ana etoseiana 'i lobena manuna 'i bwagobwago.
5. 'Ida 'Inapwana 'ina guinua 'i 'ebwaena be 'enega 'ina gwausoara 'i da e'itaena.

'Inapwana Iesu Keriso, togamwasoara nuadi
'Adi Togiebobo'ana, 'abo'agu nuagu wate 'u da
Giebobo'anena be 'enega ia da nuabobo'ana
Tomota iaudi 'edia be tapwaroro ia lemei.

5;21-34. WAINE MA 'ANA MUIA.

1. Guinua iauna 'i toodi, ta muriega Iesu 'ana 'oama 'i gitoona.
2. Ma 'ina nuanua 'ai'aila Iesu 'ena 'i mai. "'Abo 'ana 'oama ia gitoo."
3. 'I mwaratoni 'ai'aila 'aene waiwai 'i da apwesa 'enaia Iesu 'enega.
4. Nigea 'i da omaiamaia, ta maibo'ana 'i simanena Iesu 'enaia.

'Inapwana Iesu Keriso, iaisigei nai si gitoogo
Si bobo'ana limana. 'Enega ia da wai 'emuia be
la da gitoogo be 'oio 'u da gitoogu. 'Oio
Tebweuio Togiebobo'ana ta tebweuio Toetoseiana.

[15]

5;21-24 ta 35-43. IEIRO.

1. 'Ina dedoi 'enega 'i nuamwa'uta.
2. Iesu 'i abara waine 'enaia (25) ta leiro nigea 'i gewagewana Iesu 'enaia. 'I nua 'i'isidi aina wate tole'oasa si miami.
3. Nuanuana be Iesu nimana 'i da sa'u natuna 'enaia.
4. Iesu leiro nuana 'i giebobob' anena.
5. 'Ida 'Inapwana leiro 'ina guinua 'i 'ebwaena. 'I gwae, " 'Ana 'u da 'ebwaena. "

'Inapwana Iesu Keriso, todedoi Gosia 'ai'ailidi,
Dedoi be doonaona 'adi tutaia nuanuagu
Be 'imu miaserabeguia ia da sinapuna,
Manuna 'igu bwau 'u iamwaiamwana.

[16]

6;1-13. TOLE'OASA PU'EPU'EDI.

1. Toenuanarua gamwagamwanidia tuta iauna toemi-sa pu'epu'edi si miami.
2. Ta pu'epu'edi nidi le'oale'oasidi.
3. Iesu aina 'asa wate 'edia 'i tauia ta taudi bobo'adi 'ina 'asaia 'i pilisinedi.
4. Tauna nimanega 'i giebobob' anedi - be Iesu nimana si da nua 'i'isina.

'Inapwana Iesu Keriso, 'igu emisa tupwanamo,
Ta nuanuagu be 'u lemegu, be 'enega 'agu
Lema nina ia da simanena gosegwao 'edia,
Ta gea'abo ia enuenuanarua.

6;14-29. IONI BAPITAISO, TOTAGWARA.

1. Ona 'ai'aila manuna 'i 'arama'i'ita.
2. 'Ina 'ebenuamwau dieili, manuna nuanuana be Iesu 'i guguiæ.
3. 'I ona nai Iesu 'i nuapupurena.
4. 'Atua bubuna geiogeioi 'i ewaiwai tuta nina 'enaia.
5. Ioni 'i mwawasa, ta ona 'ai'aila manuna 'i mwawasa.

'Inapwana Iesu Keriso, Ioni 'ina 'Ebeewaiwai,
 'U da giewaiwaiïegu.
 Ia da 'arama'i'ita manuio, 'agu Toetoseiana,
 Be tomota 'idi ona gea'abo ia matamatautedi.

6;30-44. SITE PAIBE TAUSANA.

1. Nuanuadi be Iesu serabenaia si mimi.
2. 'Asa daisinamo 'ena si muriena.
3. 'Idi guinua si nuapupuredi ga si miaserabe Iesu 'enaia.
4. Aposetolo 'idi loina si nonodi.
5. Edeededede 'enega gamwadi 'i pawa.
6. Nigea tupwana si da mudarina.

'Inapwana Iesu Keriso, masura bobo 'ai'ailina
 Ia da 'ebesa tuta iauiauna. Be 'enega
 Masura nina 'i giewaiwaiïegu. Ta 'oio
 To'ebwaea 'emuia ia da miaserabe 'ai'aila.

6;45-56. AINA TONONO WAGAIA. (Tomwana 47-51).

1. Iagila 'i sinabwa 'enega si alamugwai.
2. Iesu tuta iauna serabedaia 'i miami, ta nigea ta mwaramwatatoni.
3. Si matauta manuna Iesu 'ana bobo'ana si nuapupura maniniena.

'Inapwana Iesu Keriso, dedoi 'ana tutaia
 'Enaio ia da nonona, "'Abo'agu."
 Ta matauta 'ana tutaia nadigega, 'enaio
 Ia da nonona, "'Abo'agu gete."

7;1-13. TONONO NIMADI NIGEA ESASENA.
 (Tomwana 2).

(Gete esasa tapwaroro, 'idi guinua taudi).

1. Parisi si lomugi manudi, ta taudi wate aina tuta lona nigea si da 'ita'isidi.
2. Tonono lona nigea si da sinaridi.
3. Ta tonono 'adi lona 'ai'aila Iesu 'ina bubunega si lobena.
4. Tonono ma 'idi gwausoara 'adi lona auauna si 'ewena.

'Inapwana Iesu Keriso, Toesasa 'ai'ailio,
 'Ategu be nuagu 'u da gie'esasedi gete tuga.
 Be 'enega lona iauna 'edia ia da ematamatana
 Ma 'igu uiawana ta ma 'igu gwausoara,

[21]

7;14-30. SAIROPINISIA WAINENA. (Tomwana
24-30).

1. Waine nina ma 'ina waiwai Iesu 'i 'ebesena.
2. 'I gewana wawasae 'ina 'ebesa 'enaia.
3. 'I nuamwa'uta wawasae, ta mugumugudi sawe-
sawenaia.
4. Tauna "to'u'umara."
5. 'Ina 'arama'i'ita ta 'ina gewana 'adi tamapu 'i
lobena.

'Inapwana Iesu Keriso, 'Awanoi 'adi tonono,
'Imu oboboma maibo'ana ia da sinapuna,
Manuna gomagamabesogu 'u obobomegu ta
'Imu oboboma sinabwana 'eguia 'u siwenama.

[22]

7;31-37. TOTENA TUI NINA.

1. Tenana 'i tui.
2. Ta nigea 'i da ona 'ai'aila.
3. Iesu 'i 'au'ewena.
4. Tai nina 'i bobo'ana manuna Iesu 'i gitoona.

'Inapwana Iesu Keriso, tenagu be matagu 'u da
Gitoodi. Ia da nono 'ai'aila be ia da 'ita
'Ai'aila. Maniniio ia da 'itena be 'enaio ia
Da nonona tuta iauna. 'U da lemegu, 'Inapwana.

[23]

8;1-13. SITE POA TAUSANA.

1. Iesu 'ina oboboma nigea kapekapeana be 'i gugumwara. Site paibe tausana 'i e'enidi, ta gete site poa tausana wate.
2. Gosenao si e'arena, 'enega beredi sebeni si sa'udi.
3. Gamwadi 'i pawa.
4. 'I etunedi.

'Inapwana Iesu Keriso, masura 'ana To'ebwaea,
Tomota iauiaudi masura nina si da loba
'Emuiega. 'Abo'agu ia da too be ia da 'ebwaedi,
Manuna 'oio ni'atu 'u 'ebwaeguia.

[24]

8;14-26. TOMATAKEBOKEBO MATANA 'I
ESASA. (Tomwana 22-26).

1. Iage iauna si miasakowasienna ta nigea 'i 'ita'itadi.
2. Iesu nuanuana be 'i guinua ma'ula 'enaia.
3. Tai matana nigea 'i da esasa manini.
4. Iesu nigea nuanuana be 'i sisimana dadane.

'Inapwana Iesu Keriso, tomatakebokebo Gosedi,
Ia sideio be matagu 'i da esasa 'ai'aila
Be 'enega ia da 'iteio. Matagu 'i da esasa
Be 'enega 'igu 'eda 'ena gea'abo ia eseesetupe.

[25]

8;27-9;1. SAIMONI PITA. 8:27-33.

1. Pita 'ina oboboma sinabwana 'enega kapekapeana be Iesu 'i 'awa Kerisoena.
2. Oboboma tuta iauna tagwara 'enega 'i sinabwa.
3. Pita nuana 'i to'umali manuna Iesu 'ana lo'aegila be 'ana e'idi'idia 'i upaedi.
4. 'Abo Iesu 'ena ta tagwareda, 'ida kerosa ta da 'aara 'asiata 'ebweuna 'ebweuna.

'Inapwana Iesu Keriso, gea'abo to'ase manuna la 'ate'atesa'ara. Ta ia da murieio 'asiata 'Ebweuna 'ebweuna, be Iesu 'oio 'ae'iaieio ia 'Ebesa 'ae'iaiegu manuna.

[26]

9;2-13. IEMESA.

1. Gosenao bobo'adi ma'ena Iesu 'ina esaesa si 'itena 'oiaia.
2. 'Oia 'i mwerena 'enega Iesu 'ina esaesa 'i 'itena.
3. 'Enana garewega 'i nonona.
4. Ta 'enana 'i gumwara 'enega 'i 'itena "Iesu te-bweunamo ma'edi."

'Inapwana Iesu Keriso, matagu 'u da gieesasa Be ia da 'iteio tebweuio. Ta tenagu wate 'I da bobo'ana be 'enana ia da nono, "Gete Natugu, ia obobomena."

[27]

9;14-29. GWAMA UWAWANA.

1. Gwama 'i euwauwa nigea tauna 'ina loegesi manu-
na.
2. Gwama 'ina elouia 'enega tamana 'i nua'ebuni.
3. Gwama tauna 'ina elouia nigea 'i sinasinapu.
4. Aina tuta bubuna to'umalina 'ana 'ebegumwara
uia nai 'ateuiauia.
5. Tonono si so'i iogenena manuna 'idi emisa ta 'idi
arama'i'ita nigea sawesawenaia.

'Inapwana Iesu Keriso, 'igu elouia 'enega
Ia da bobo'ana limana. Bubuna to'umalina
Maibo'ana 'i da gumwara ataia 'eguia,
Be 'igu emisa 'emuia 'i da sinabwa wawasae.

[28]

9;30-37. GWAMA GAMWAGAMWANIDIA.
(Tomwana 36,37).

1. 'Ina nuanua gwama tuga.
2. 'Ida 'Inapwana nuanuana be gwama nina 'i giiai.
3. Gwama nigea 'i da nuanua miatu'e manuna,
4. Gwama nina Iesu nuana 'i 'ewena.

'Inapwana Iesu Keriso, ia da too gwama 'atua,
Be ia da emiseio. 'Oio 'u da atubwailigu
Nimaio waiwaiina 'enega, be bubuna to'umalina
Maibo'anega 'u da egagaregu tuta iauiauna.

9;38-50. DIMONI 'ANA TOULAAPWESEI.
(Tomwana 38-40).

1. Nigea 'i da muriedi tonono nidi. Nai nigea 'i da emisedi tonono ?
2. 'Ina sinasinapu tupwanamo, ta 'i etaetapewa tomota manudi.
3. Iesu 'ana esana 'enega 'ebweu waiwai 'i lobena.
4. 'Abo Iesu 'ana boda 'abo'ada, tomota manudi ta da etapewa.

'Inapwana Iesu Keriso, 'u da esinuegu
Be to'ase to'umalina 'egua 'i miami,
'U da 'ewa iaulei 'ai'aila
Be 'igu bubuna 'i da bobo'ana matamuia.

10;1-16. GOGAMA GIDARIDI NIDI. (Tomwana
13-16).

1. Gogama ta da lemedi tapwaroro 'enaia.
2. Abo'ada ta mwamwawasa be gogama si sinabwa be si elopa'eruda.
3. 'Ida 'Inapwana ta da e'itaena gogama 'edia.
4. Iesu tuta iauna nuanuana gogama.

'Inapwana Iesu Keriso, 'abo'agu gwama 'atua.
'U da gitoogu be 'u da atubwailigu.
'Emuia ia da tuila tuta iauna
Be gea'abo ia loeloegesi tapwaroro 'enaia.

[31]

10;17-27. ESAESA NINA TUBUAU (Tomwana
17-22).

1. Loina iauna 'i 'ita'i'isidi.
2. Nuanuana iawasina ataia, esaesa dumadumana.
3. 'Ina loegesi 'ebweu 'aene esaesa 'ena nuana 'i tagwara 'ai'ailina.
4. Iesu 'i eonena 'aene 'i da egomabeso.
5. Nai muriega Iesu 'ena 'i ematamatana ga 'i tagwarena gwausoara 'ai'aila 'enaia.

'Inapwana Iesu Keriso, esaesa 'adi tobwau,
Ta gomagomabesodi 'adi tobwau.
Nuagu ia da tagwara iage miamiaataiadi 'edia
Ta esaesa tomotai gea 'abo 'ena ia tugatugadara.

[32]

10;28-34. TONONO NUADI I OWANA TA SI
MATAUTA. (Tomwana 32-34).

1. Si mwaratoni 'aene 'ebeeilae serabedia 'i miami.
2. Si mwaratoni 'aene 'ebeeilae nigea 'i miamia 'eda-sora Iesu 'enega.
3. 'Asa tabu Ierusalem 'ena 'ebeeilae 'i miami.
4. Ta tua tuga, Iesu si muriena.
5. Iesu 'i emataruedi 'aene 'i da tooro limana.

'Inapwana Iesu Keriso, gea 'abo ia matamatauta
'Abo 'ebeeilae serabegua si miami.
Ia da murieio tuta iauna, ta gea 'abo to 'ase
'I diidigagu.

[33]

10;35-45. IEMESA TA IONI.

1. Nuanuadi sinabwana be si miatu'e wawasae.
2. To'ase ta da guinua be Iesu serabenain ta miami ?
'Ina elouia ta da lotoona.
3. Siterua sawesawedia be kerosi si 'aara, ta 'eda
maibo'ana si mwaratoninaia ?
4. Gosediao si e'ipi'ipi.
5. Iesu 'i e'itedi iauiaudi 'aene guinua 'enega ta mia-
tu'e gosedaogamwagamwanidia.

'Inapwana Iesu Keriso, tuta iauna ia loeloegesi.
'Enega 'u da e'itegu, to'ase ia da guinua
Be tapwaroro 'ena ia da sinabwa.
Nuamwa'uta sinabwana 'i da apwesama 'eguia.

[34]

10;46 - 11;11. BATIMIO. (10;46-52).

1. Tauna debaosi.
2. Nigea sawesawenaia be Iesu 'ina guinua 'i 'itadi;
ta tuta iauna tomota 'ediega Iesu 'ina guinua 'i
nonodi.
3. 'I lomanini.
4. Pwaru gamwagamwanidia 'i bwau ga Iesu 'i no-
nona.
5. 'Ida 'Inapwana 'i enaida 'enaia to'ase nuanuana.
6. 'I tooro ga Keriso 'i muriena.

'Inapwana Iesu Keriso, 'abo'agu wate tosida.
Tuta iauna sawesaweguia be ia sisida
Manuna nanaewagu. 'U da lemegu nadigega
Batimio nina 'u lemena, be ia murieio.

11;12-33. APOSETOLO 'IDI WAIWAI 'ANA
UPA (Tomwana 24).

1. 'I abe Iesu 'ina esilae si 'ita be 'idi waiwai 'i apwesa.
2. Iage etoi waiwai nina sawesawenaia: (1) Nuanua; (2) emisa; (3) nuatau.
3. Muriega 'idi neneta 'i gumwara ("Iauiaudi si pili-sinena ga si dena") ga si ewaiwai.

'Inapwana Iesu Keriso, 'igu neneta 'u da 'ewa iaulei
Be ia da ewaiwai manuio.

Be 'atua aposetolo lowaenei ia da etapewa
'Amu esana manuna ta 'imu esaesa manuna.

12. KWABURA NANA EWANA Tomwana 41-44).

1. 'Ina 'ebwaeadaita gidarina ta Eaubada matanaia
'atua sinabwana.
2. Kwabura nina Iesu serabenaia 'i tauia.
3. 'Ina 'ebwaeadaita Iesu 'i 'awasinabwanena.
4. Maibo'ana 'i tagwarena.
5. 'Ida 'Inapwana 'i gwausoara kwabura 'ina nuanua
manuna.

'Inapwana Iesu Keriso, 'ebwaeadaita 'ana guinua
'U e'iteguma be gea'abo to'ase ia egaegagara.

Tamaio 'enega iage iauiuna si apwesama,
'Enega maibo'ana ia da tagwara 'enaia.

[37]

13. SITEATA. (Tomwana 3,4).

1. Iesu 'ina nuanua serabe'ai'ailinaia si miami.
2. Aina tomota nadigega Iesu 'ina nuanua serabe
'ai'ailinaia si miami.
3. 'Ida 'Inapwana 'i e'itedi 'oia Olibeta 'enaia.
4. Siteata nuanuadi be si gibubu 'ai'aila.

'Inapwana Iesu Keriso, ia da emiseio.

Tuta iauiauna 'imu ona ia da nonodi

Be 'imu ona nidi si da etoseiegu.

'U da lemegu, 'Agu Toetoseiana.

[38]

14. TONI-ANUA. (Tomwana 13-16).

1. Iesu 'ina anua 'i lotunina, 'enega toni-anua 'ana
amaiaba sinabwana.
2. Anua bobo'ai'ailina 'i tagwarena; 'i gibubuna.
3. Iesu magosenao 'i aesotedi.
4. Anua 'i gie'esasena ga gwegwe 'i sa'ububudi.
5. 'Enega 'ina anua 'atua anua tabu.

'Inapwana Iesu Keriso, 'abo'agu ia da gibubugu

Be 'enega 'ateguia 'u da ruguma.

'U da ruguma be 'u da giegwausoarigu,

'U da ma, 'Inapwana, 'u da ma.

[39]

15. IOSEPA GOMA ARIMADIA (Tomwana 42-46).

1. 'Inapwana 'ina arama'i'ita 'i 'itena etala 'enaia.
2. Nuana 'i mwau Iesu 'ina elouia manuna.
3. Eaubada Natuna 'ina mwawasa 'i 'itena.
4. 'I 'atepatu pwaru matadia.
5. 'I sida 'aene Keriso kokoana si da 'ebwaena.
6. 'Ari'ari bobo'ana 'i tagwarena Keriso kokoana manuna.


'Inapwana Iesu Keriso, ia da guinua 'emuia
Nadigega tauna Iosepa nina. Ta gea'abo
la 'ate'atesa'ara gosegwao matadia.
Manuio tuga ia da nuanua tuta iauna.

[40]


16. MERI MAGIDALA (Tomwana 9,10).

1. Iage bobo'adi 'i lobedi Iesu 'enega.
2. Iesu 'ina guinua nigea 'i da nuapupuredi.
3. Tuta iauna 'i miaepa'i Iesu 'enaia.
4. Tauna 'i unuboi 'ari'ari 'enaia.
5. 'Ina 'Inapwana 'i lobena.

'Inapwana Iesu Keriso, toto'umalidi gosed,
'U da lemegu 'asiata gete 'enaia.
Ia da tugadara 'emuia, tebweuio 'emuia,
Be ia da tooro limana ma 'igu waiwai.



Printed by J. W. Dixon, Salamo, Papua.



MOORE

MOORE

MOORE

MOORE